




大正
新脩

大
藏
經



目次

二六八〇	融通圓門章(一卷)	日本	融	觀	述	一
二六八一	器朴論(三卷)	日本	託	何	述	六
二六八二	往生要集(三卷)	日本	源	信	撰	三三
二六八三	往生拾因(二卷)	日本	永	觀	集	九一
二六八四	決定往生集(一卷)	日本	珍	海	撰	一〇二
二六八五	安養知足相對抄(一卷)	日本	珍	海	撰	一一六
二六八六	安養抄(八卷)					一一九
二六八七	淨土法門源流章(一卷)	日本	凝	然	述	一九二
二六八八	立正安國論(一卷)	日本	日	蓮	撰	二〇三
二六八九	開目抄(三卷)	日本	日	蓮	撰	二〇八
二六九〇	撰時抄(一卷)	日本	日	蓮	述	二二三
二六九一	報恩抄(二卷)	日本	日	蓮	撰	二五三
二六九二	觀心本尊抄(一卷)	日本	日	蓮	撰	二七二

二六九三	法華取要抄(一卷)	日本	日	蓮	述	二七八
二六九四	太田禪門許御書(二卷)	日本	日	蓮	撰	二八〇
二六九五	三大祕法抄(一卷)	日本	日	蓮	撰	二八六
二六九六	四信五品鈔(一卷)	日本	日	蓮	撰	二八七
二六九七	如說修行抄(一卷)	日本	日	蓮	撰	二八九
二六九八	種種御振舞御書(一卷)	日本	日	蓮	撰	二九一
二六九九	御義口傳(二卷)	日本	日	興	撰	三〇一
二七〇〇	御講聞書(一卷)	日本	日	向	撰	三四〇
二七〇一	梵字悉曇字母釋義(一卷)	日本	空	海	撰	三六一
二七〇二	悉曇藏(八卷)	日本	安	然	撰	三六五
二七〇三	悉曇十二例(一卷)	日本	安	然	記	四六二
二七〇四	悉曇略記(一卷)	日本	玄	昭	撰	四六七
二七〇五	悉曇集記(三卷)	日本	淳	祐	集	四七六
二七〇六	悉曇要訣(四卷)	日本	明	覺	撰	五〇一
二七〇七	多羅葉記(三卷)	日本	心	覺	撰	五六九
二七〇八	悉曇祕傳記(一卷)	日本	信	範	撰	六四三
二七〇九	悉曇輪略圖抄(十卷)	日本	了	尊	撰	六五三

二七一〇	《密鈔》(七卷)	日本	淨嚴	撰	七二五
二七一	梵學津梁總目錄(一卷)	日本	慈雲	撰	八一〇
二七二	魚山聲明集(一卷)	日本	長惠	撰	八二五
二七三	魚山私鈔(二卷)	日本	宗快	撰	八四三
二七四	魚山目錄(三卷)	日本	聖尊	撰	八五三
二七五	大原聲明博士圖(一卷)	日本	聖尊	撰	八五七
二七六	音律菁花集(一卷)	日本	然述	撰	八六四
二七	聲明口傳(二卷)	日本	澄作	撰	八七五
二七八	大阿闍梨聲明系圖(一卷)	日本	然述	撰	八七六
二七九	十二調子事(一卷)	日本	信撰	撰	八七八
二七〇	聲明源流記(二卷)	日本	觀撰	撰	八八〇
二七一	音曲祕要抄(一卷)	日本	覺撰	撰	八八三
二七二	藥師如來講式(一卷)	日本	源信	撰	
二七三	橫川首楞嚴院(十五三昧式)(一卷)	日本	源信	撰	
二七四	橫川首楞嚴院(十五三昧起請)(一卷)	日本	源信	撰	
二七五	往生講式(一卷)	日本	源信	撰	
二七六	愛染王講式(二卷)	日本	源信	撰	

二七二七	求聞持表白（一卷）	日本	覺	撰	八八五
二七二八	觀音講式（一卷）	日本	貞	慶	八八六
二七二九	彌勒講式（一卷）	日本	貞	慶	八八七
二七三〇	如法經現修作法（一卷）	日本	宗	快	八九〇
二七三一	四座講式（一卷）	日本	高	辨	八九八

融通圓門章

攝州平野融通妙宗大源山主

大通撰述

一真法界沖深廣博。包含衆德。遍應萬有。天鼓海潮無思通故。求真去妄。猶如棄影而勞形矣。祇不濯垢心。無登正覺。須打計執方入圓明。心心作佛無一心而非佛心。處處成道莫片塵而不寂光也。失此知見。瞥爾妄起。東攀西緣。吟嘯之子。門外之客。奔逝南北。輪環無礙。無始至今。曾不省覺。故我慈尊魏現。粟散。囑囑。開祖。指陳一行。一切速捷取辨秘訣。抖擻密意。令乘一乘。顧復之極。不請而來。無問而吐。真友悲母切而復急。恩而更殊也而已。面授金句。明訓玉章。與感得變像。俱藏于梵庫。余慨闕流行。先載乎緣起卷首。然新意者。未索得佛祖旨。動成紕繆。嗚呼時遠教弛。希有曉了。寧弗悽楚乎。今爲提撕綱緊。述撰披釋。爲此作也。染指義味。則綜攻詳典。敷敷圓理。則直據難法。稍莫自言成於己見。

南無忍土教主釋尊。西方能化阿彌陀佛。十大薩埵。所有聖衆。惟願攝取。我是凡下。言義離過。不乖慈教。遠近流通。助他信心。臨終正念。同生極樂。將著此編總有十條。一教興本緣。二多聞

勸喻。三略釋宗名。四法門分齊。五所被通局。六通修要方。七內衆規則。八辨國土。九明佛身。十解文義。

一教興本緣者。開祖良忍上人。尾州智多郡富田人也。穉遊叡峯。師於良賀。究止觀之奧義。遭于永意。開密乘之幽旨。來住絕倫顯密頌德。二十三而辭交衆。潛跡別處。二十餘年常坐不眠。而勤行孜孜焉。永久第五。壽四十六。五月十五日輪當午。無量壽佛面現身相曰。汝行不可思議而難得順次往生。教速疾往生之勝因。授與融通念佛。是乃宗興之基塔也。

二多聞勸喻者。鞍馬多聞天王。現威容曰。師往蒙佛直授。流化勸進。蓋救濟苦海之群有耶。上人爲證明末世之信向問曰。何謂乎。報曰。迴我所唱。透通衆人。衆人所唱融攝于我。是融通念佛也。其功踰獨稱焉。自是志操勇猛。天治元年六月九日。持於管籥。遊履京師。始鳥羽先帝日課百遍。及以三公九卿等交締矣。向五百十三人時。著青衣壯年之僧。來上人前請於扶接。手書佛法護者鞍馬寺毘沙門天王畢而去焉。知幽讚深。奇敬感極。翌年首夏詣鞍馬寺。通夜念佛。暨于三更。天王忽現。謂上人曰。融通念佛功德彌廣。故我代師俾三界諸天六道冥官。轉桑國內八百萬神。各受日課百遍。爲盡未來際不退勤精之誓諾。錄各已名。附與乎仁矣。披閱冥衆如星列名。多聞功勳相似。普賢勸進善財海衆。從爾奮激。經緯國家。勸進人文。

三略釋宗名者。總通之道。脫離之門。要而又勝。高而又深。頓超之法。速昇之行。舉一全收。連貫互徹。一多無礙。重重無盡。名爲融通。大者當體得名。包含爲義。一真法界。具滿所有。響應過恒。局限之法。彼此融故。要住自一。方能遍應。遍應多界。常是住一。一有力多。無力多入一中。多有有力。一無力入多中。一多相入。日日成億百萬遍之謂也。窮性盡理。因果該徹。一相通融。無能所念。言議絕離。思想寂滅。全性成修。本具諸佛。古古利澤。圓成衆生。新新念稱。故言念佛也。宗者。梵語悉檀。從上五字義淵。穢而常淨。不移而換爲不二圓門之崇尙也。

四法門分齊者。諸宗法匠。皆有判教。今宗所立。當以五。一。人天教。二。小乘教。三。漸教。四。頓教。五。圓教也。人者。多思量故。蘇迷四邊有此大洲。南瞻。東毘。西瞿。北俱也。修持五戒中品十善。感斯道身。天者。有光明故。欲界六天。男女參居。多諸欲染。色界十八。並無女形。亦無欲染。有色化生。無色四天。但有四心。無有形質。上品十善。并勤未至。兼修靜慮。厭色修定。如次上天。小乘者。有諦緣度。開佛聲教。修習四諦十六行相。伏斷八十八。九十一正使。不由他悟。內因寂靜。外緣足少。更侵習氣。發四弘願。修六度行。留惑潤生。利物爲心。如次配三。唯說入空。不說法空。以於六識。建立染淨。漸教者。理事各別。性相不同。五性差

異。無性有情不許成佛。以於八識建立諸法。少說法性。多說法相。又理事不二。性相互容。定性二乘。醉昏醒覺。無性闡提。發心作佛。式如來藏。隨緣成立。少說法相。多說法性。頓教者。五法。三自性。八識。二無我。一切絕離。不立法相。一念不生。前後際斷。圓教者。統該前四。圓滿具足。相即無礙。主伴無盡。一法一切法。一斷一切斷。一行一切行。一成一切成。互具交融。超過思議之境也。如今宗者。口稱事相。彼此交絡。周遍塵界。具。有衆德。莫有遺餘。即于煩惱。證於菩提。不出荆林。游於玉沼。熾然求生。不乖無生。終日生而未嘗生。乃知深濟普周。教海也。五所被通局者。無願無行。總非器也。反是皆堪。凡教卑則少慧輕陵。根不對則功行難成。圓融口稱。上智享稟。下機領荷。不離一法。巧與諸根。霄壤覆載。大造化育。普門廣大。無擇無遺。圓宗之談。臻窮證者。累德長尊。杜聽常隨。高足閉口。治信解者。不肯之徒。如龍得水。似虎靠山。開圓妙理。不可思議。起圓信解。信一心具法界。解一塵有經卷。欲開此心而修圓行。妙悟自具。頓同諸聖。福慧事理。皆稱法界。力用未充。無生而生。親近彌陀。直爾契當。本來平等。此但舉信順者。猜嫌毀譽。亦所滋潤。聞而嫌。知而警。聞知之種。已蘊識田。不遠得益耳。六修行要方者。不簡僧俗。受課之外。每日清晨盥漱已後。向西合掌。舉揚彌陀所傳。融通念佛億百萬遍。決定往生。以心緣歷。不高

不低。不緩不急。調停得中。字字分明。稱念果號。十聲爲度。盡此一生。暫莫放過。早旦稱佛表貴敬也。比臣之朝。賴子之省。又旦即是夜。氣清明。未馳世路。取自心淨。又朝露忽消。電光便過。幸乎得一日光景。稱一日佛名。驗得往生。僑益者謂。一生造惡。臨終念佛。帶業得生。我於生前。且做世業。直待臨終。而後念佛。當諦而聆。臨終僥倖。千萬人中。無一兩口。懷感師云。世間有十種人。臨終不得念佛。一者善友未必相遇。無勸念之理。二者業苦纏身。不遑念佛。三者或偏風失語。不能稱佛。四者狂亂失心。注想難成。五者或遭水火。不暇至誠。六者遭遇豺狼。無復善友。七者臨終惡友。壞彼信心。八者飽食過度。昏迷致死。九者軍陳鬪戰。奄忽而亡。十者顛墜高巖。傷性命也。若斯十種之事。皆是尋常目擊耳聞。宿業所招。現殃所感。不容迴避。孰乎知之。臨終有業無業。好死惡死。十種惡緣。卒爾遭著一事。便空往焉。直饒無此惡緣。平病而死。世緣未了。妄情未休。貪生怖死。刀風解體。四大分離。擾亂胸懷。苦痛逼迫。求醫問藥。家計未明。後事未辦。百種惱從。萬品憂來。當于此時。閑靜安和。得策勲乎。少壯無事。得時便勉矣。倘不者也。後悔難追。反之者也。旛華繽紛。天樂嘹亮。簡易勤墮。然答懸隔。故吾恒珍重清晨之方而已。七。內規則者。領受圓頓無價之惠。安養化往。已撫慰矣。僧儀準繩。更可分別。尋常以

爲圓人修毘尼者。既入一乘家。遊三車門。焉謂不可。既入一乘家。一乘者佛慧也。其家者法界也。以佛慧觀法界。獨一法界而無對待。出亦家也。入亦家也。三學之中。戒其爲地。一切善法。莫不因此而成。立。依一乘法。又攻此學。如裁而培。故智者大師。佛乘發揮之棟宇。而善毘尼。賢首法師。雜華紹隆之柱石。而志律學。既開祖透。達四教圓融。精練三觀。即是而護持菩薩大戒。我曹非其來孫耶。設不廣被七衆。不未使吾輩由之也。如諸沙門。容儀異世。德行奚同。淳源久謝。澆風不追。覺路彌遐。擁膝長思。誠乎。依理起行。不礙事相。宛然依行觀理。不滯空寂。行法之始。應信。己身有如來藏。修行可得成佛。三寶功德。最勝難量。離此更無合歸依處。因果決定。業報必然。是故捨惡修善。不離自心。然後受三聚淨戒。護持十重四十八輕。遮性分全。一一惜囊如微塵許。勿令有犯。善用無邊。惡用亦爾。自損穢他。可怖之甚也。隨行不虧。一乘助緣。淨業正因。道器全者也。八辨國土者。古明佛土。區區多端。大略有四。一曰。凡聖同居。二曰。方便有餘。三曰。實報無障礙。四曰。常寂光也。一凡聖同居者。自分二類。同居穢土。同居淨土。初者四惡二善之凡夫。三權六實之聖者。共住雜居。故云穢土。次者果報殊勝。非餘可比。雖有入天。無四惡趣。故名爲淨。二方便有餘土者。二乘三種斷惑盡。別惑未除。捨分段身而

生界外。證方便道者之所居。三寶報無障礙者。無有二乘。純諸法身菩薩所居。無明未盡。潤無漏業。受法性身。色心無礙。故以彰名四常寂光者。如如之理名是爲土。如如之智。名是爲身。離身無土。離土無身。非身非土而說身土。一法二義也。依乎衆生行業增減。定水昇沈清濁差別。印成國土亦復差別。身境受用。遞遞不同。極樂淨土標指方域。爲成機信。教境真實。一佛土一切佛土。一切佛土一佛土。圓融不可說也。無一土不從法界流現。無一佛不由自心出震。但此一心包三世間。四土融通。重重無礙。生佛交參。淨穢互現。十方繁收。在于剎那。一念羅列。遍乎法界。一念既爾。一塵亦爾。一一心中一切心。一一塵中一切剎。一一心塵亦復互周。重重無盡。清淨平等。無量智慧衆生充滿。經云。我此土安穩也。如此解了。遷神於億刹。遂生自己心中。任質於寶蓮。豈離剎那際哉。娑婆遍在一切處。清泰遍在一切處。舉一全收而不黃混。天帝網珠。雖互相遍。此珠不爲彼。彼珠不爲此。參而不雜。離而不分。極樂淨土千珠之一。堪忍穢國千珠之一。十萬億刹各千珠之一。三乘人天及與衆生無極。一一無非千珠之一。微塵刹海。十世古今。一海印中。頓現圓滿。良以淨穢不二。自他融通之所立夫。

九明佛身者。佛本無身無壽。隨順世間。安立相貌。經論說暢。比比有之。知此不詳。造修失路。以自所怙。應當辨拆。此亦有四。一

者應化身。二他受用身。三自受用身。四自性身也。應化身者。隨類化應。居淨穢土。業緣起滅。體是無常。稱諸機宜。現通說法。令各獲得利樂之事。他受用者。妙功德身。居純淨土。赴機隱顯。相不常住。爲菩薩衆。現大神通。轉正法輪。決衆疑網。令彼受用大乘法樂。已上二身。依乎事識。但空見。故唯屬無常。若依業識。不容見者。即此無常全體。是常則常無常二用相即。二鳥雙游。猶如七百僧祇常在靈山。不清淨嚴如釋迦國。是也。自受用身者。一切如來。修集無量福慧資糧。所起無邊真實功德。及極圓滿遍色身相續。湛然盡未來際。恒自受用廣大法樂。除此而外。垂三土身。或名爲應身。實因所感。或名爲報。自性身者。謂諸如來真淨法界。自他受用。應化所依。離相寂漠。絕離戲論。具無邊際。真常功德。是一切法平等實性。即此自性亦名法身。師軌法性。還以法性爲身。非色亦非心。智非蘊處界之所攝持。強指法性。爲法身耳。大抵應化身者。凡夫小乘地前菩薩所觀之相。三尺黑象及樹神身。王宮所生丈六小身。是即當人天小乘教。受用法性地上菩薩所見證境。八相難思。三十二相。八十種好。八萬四千境智冥合。始本不一。遍常法界。同於虛空。是則配乎漸頓兩教。四種所說。優降天殊。今家教相。唯在圓教。別無明父母。登究竟山頂。成清淨法身。居常寂光土。四身具足。無有缺減。三佛相即。無有一異。丈六小身。三十二相。八萬藏塵。全

知法界。四品身相。皆可稱海。妙色妙身。皆無分限。一一相好。與虛空等。悉圓滿海。一攝一切。隨一佛身。常具四身。無邊應用。不離毫釐。但現丈六。頓備藏塵。八萬藏塵。不出弊衣。四身攝容。顯論果上。剎盡而說。金剛後身。解脫道時。佛果現前。十身圓滿。已後無方大用。既得諸法等量之身。故以諸法爲自證果。即以諸法爲化他身。真身寥廓。與法界合其體。包羅無外。與萬化齊其用。所謂十身總有二種。菩提身。願身。化身。力持身。相好莊嚴身。威勢身。意生身。福德身。法身。智身。是如來身上十身也。衆生身。國土身。業報身。聲聞身。緣覺身。菩薩身。如來身。智身。法身。虛空身。國土虛空即器世間。是如來智法即智正覺。餘五並即衆生世間。是融三世間十身也。如來身上。說其十德。亦名行境行威境故。具斯十義。而爲一佛。又融三世間。而爲一佛。亦名解境。覺智照解。皆佛身故。行解境別。復唯一佛。是故一佛周遍法界。故經云。爾時。世尊處于此座。於一切法。成最正覺。智入三世。悉盡平等。其身充滿一切世間。其音普順十方國土。然此十身真應二身。十佛境智冥合名真。十佛對機說法名應。對機之中。對地上菩薩名真身。對地前菩薩及以凡夫。名爲應身。十佛自境名果分不可說。機所領悟名因分可說。因果不二。無有別體。十佛之外。無別三四。三十四身者。十佛用也。故經云。一切諸佛身。唯是一法身。一心一智慧。力無畏亦爾。自在

功德無所不知。故爲佛。此十佛卽諸法盡窮之原。十卽表無盡。此十一中十。十中一。一卽十。十卽一。亦相卽相入無礙自在重重無盡義也。永久年中感得變像。一佛中立十聖圍繞。十界一念總相相和。十身具足一大法身之所表也。宗祖正依華嚴法華。非無良由。又像性遍空。三身宛然。靡可猶豫也而已。

十解文義者。預分科二。初佛說。後祖釋。初中亦二。初長行。次偈頌。初中又有三。一人。二行。三結名。次偈中亦二。一所修法。二所得益。釋中亦二。初約釋。後勸誡。初中三。一願。二行。三結名。

○初長行三△一人

一人一切人。一切人一人

十方諸佛出現於世。以一佛乘利樂衆生。稟承機器。無二無三。一乘闡揚。從無住本立一切法。妙心體具。隨緣流變。心如工畫師。造種種五蘊。一切世間無法不造。法法塵塵不出靈府。以心言一切法而無非心。以色語一切法而無非色。一蘊一切蘊。一切蘊一蘊。一處一切處。一切處一處。一界一切界。一切界一界。衆生國土悉皆爾矣。經云。一切衆生身入一衆生身。一衆生身入一切衆生身。又云。一切諸世界令入一塵中。世界不積聚。亦復不離亂。一香法界。一色法界。剎那心念亦爾。所以者何。緣起陀羅尼無障礙法。隨舉一法。盡攝一切。遍歷諸法。不可思議也。欲見萬法。須入一法。得入一

法。見法無遺。故隨舉一。攝一切人。亦一切人入一人也。

△二行

一行一切行。一切行一行

舉一爲主。餘卽爲伴。無礙鎔融。無行不具。正助道品八萬四千。恒沙塵數一切行門。莫不攝盡。二行既爾。餘行亦爾。一中一切。一切中一。於一法中。具衆多法。衆多法中具有一法。倏爾念想。單持聖號。彼此相入同時發現。無前無後。千燈涉照。萬鏡傳耀。主伴無盡。自在圓融。普周僉然。故以一行通諸含靈。一人得生則衆人生。成於佛位。亦復同之。一乘之佛。自他同成。已成佛去。非唯住果地不修因行。或成佛與一切衆生前前已成。後後亦成。諸佛世尊。唯以一大事因緣故。出現於世。祇附根本。無攀枝葉。採取純精。擲棄糠粃矣。

△三結名

是名他力往生

圓家枝黨。體達相卽。俯仰禮於四身。造次給予十身。具於四土。融三世間。奇禽庶鳥。瓊院茅堂。時時諧音。處處同彩。果雖未辨。一切莫非遮那妙境。祇恨人迷。四忍。家纏五蓋。心有高下。土感丘陵。荆棘爲林。魔外同武。極樂淨土。境殊緣勝。欲捨穢取淨。須生乎彼。捨離諸相。起隨念心。泯亡生解。致傾慕想。妙明真性。本自無生。隨緣成立。乃有生相。以性現相。無生而生。以相由性。生卽無生。如此了知。猥獨步。萬牛不挽。如那羅延力也。

○一所修法

十界一念融通念佛

十者數也。界者別也。分段變易。依處齊限。果報各別。六凡四聖。法雖無量。數不出十。一界中。雖復多派。不出十如。如地獄界。當分自具。相性乃至本末。亦具。畜生界。相性本末。乃至具。佛法界。相性本末。無有缺減。餘九法界。亦如是矣。一念俄頃之妄心也。一心具十法界。一法界具十法界。亦具三種世間。百法界卽具三千世間。無心則已。介爾有心卽具。不前不後。一念心起則有十玄。此心同時具於萬法。諸法在心。心遍諸法。廣狹自在。純雜無礙。一多相容。諸法相卽。萬法隱顯。重重轉現。事法卽真。十世隔成。主伴圓滿。萬法總成。一念心法。開於一念。萬法森羅。因果差別。依正扶疎。而不遷移。所變萬象。本由體具。體若不具。云何現生。水具波性。方能怒鼓。了水起波。泊濤全水。但由妄心不知。一相見諸隔別。翳蒙稍瘳。明瞭居然。適莫情亡。祇太丘子也。融通念佛諸教之中。融通有二。曰事理。曰事理也。初者事法分隔有齊限。理體蕩豁無局限。全理成事。所成事法。與理混會。融通和液。如來藏性。舉體隨緣。成辨諸事。而其自性本不生滅。卽是理事混融無礙。後者事相諸法。分相相待。互有障礙。然理性圓通。虛融無礙。依理之事。事無別事。事亦鎔融。彼此相入。

互不障礙。理既無有彼此之異。事亦泯絕。一多之別。事事相入。力用交徹。一念即無量劫。以現即過去。多劫即一念。以過去即現故。一入一切。塵遍十方故。一切入一。利入一塵故。一即一切。即十方故。一切即一利。即一塵故。一法中。重重影現。一中有一切。彼一切各有一切。塵有窮盡。永亡際限。今所取者。事事融通也。人有智慧。交縮名簿。塵沙界衆。唱號交絡。經云。一切諸佛。能於一身。化現不可說不可說佛刹微塵數頭。一一頭化爾所舌。一一舌出爾所音聲。乃至文字句義。一一充滿一切法界。無有窮盡。因果該徹。法爾如是。云云可知。一念不起。已起頓具十重。一稱一切稱。一切稱一稱。同時具足。不可思議也。

△二所得益

億百萬遍功德圓滿

西乾說億有其四種。十百千萬。今以第四。准計層疊。未盡理原。實順便撮滿彰無央數。勾踐少醪。衆軍皆醉。變巴一嘆。蜀川雨矣。果號素異方也。佛勸甚巧便也。己心融鑄。播自在業。因陀羅珠。以寶洞徹。遞相影現。涉交重重。於一珠中。同時頓現。隨一即爾。一一亦爾。既一一珠。一時現一切珠。亦復然矣。如斯重重無有邊際。有邊無邊珠影。悉皆在一珠中。炳煥高現。餘皆不妨此。此亦無礙。餘若於一珠中坐時。即坐著十方重重一切珠。何以故。一珠中有二一切珠故。一切珠中有一珠時。亦即著一切珠。於一珠

中入一切珠。而竟不出此一珠。於一切珠入一珠。而竟不起此一珠。一珠即十方珠。十方珠即一珠。無方無隅。主伴互融。聲聲無礙。億百萬遍。須臾圓融。劫之行。刹那昇遍照之位。全性在修。彼稱此聲。射散披來。互融鑒徹。投却筌著耳。功德圓滿。滅惡生善。終不遺止。大阿斬不平。檀藥安舉體。住已所唱。巨益驗著。張善屠牛。化佛迎接。邵彪稱念。官任安撫。況乎圓頓教法。理不孤起。必眷屬伴侶。翼從住已爲主。遍應爲伴。遍應爲主。住已爲伴。主伴伴。各不相現。主伴伴主。相入相即。彼此互融。功德周瞻。髻鬘三五而斬新焉。所有行業。滅諸塵勞。生無邊福。舊因緣救。凡庸遽位。豈不堪熙怡哉。

○後祖釋中。一初約釋三△一願

諸法實相。無能念無所念。如如融通。是名他力往生的願。

諸法實相。果德之理本。發心之仗。迷悟之根源。凡聖之依止。經云。唯佛與佛。乃能窮盡諸法實相。諸法十界三千。即實之權。實相本具理體。即權之實。同體權實。如金成器。互融至致。妙在此耳。無能念等者。法住實際。諸邊不動。離去來生滅。無增減高下。畢竟平等。無修無證。心佛衆生。夷齊不二。互現交參。諸佛心內衆生。念衆生心中佛。故所念外。別無能念。衆生心內諸佛。度諸佛法中生。故能念外。更無所念。諸衆生如。一切覺如。一一界中。皆互具餘九界十如。該妄徹

真。無不稱性。心境不二。毘盧身土。竟日居下。凡一念。阿鼻依正。終夜在極聖自心。菩提生死。由來已體。無明覆蔽。不顯得衣裏之寶珠。還懇求他。不了知室內祕藏。尙苦孤窮。久塞伶仃。默想巾車。永居污穢。忽聞淨妙。常專念畢。竟往生。無有休息。如弱羽望枝。似赤子憶母。今此國中。鷲峯已隱。龍華未開。三界苦果。焚如無量。四惡業因。繚然莫盡。邪外暴風。是非鼓扇。媚色姪聲。相惑。刀蜜蛇觸。交侵。中下湍根。於緣縮退。佛引往生。淨土緣強。唯進無退。白牛如意。任運輻湊。

△二行

生佛宛然。如如融通。是名他力往生的行。三千實而諸相依宛。實相在理。雙盲眇目。朦朧不曉。本具佛法。未得了。故自淪永夕。三千垢盡。一實明。四謗不妨。八風不動。幻惑永盡。像果圓也。理性本具。無明即明。世間諸相。一常住。俱體俱用。頗靡有低昂。常無間然矣。全性成法。其性起法。法爾煥然。全佛而不捨。全衆生。雖冥無二。而不相參。即異之一。本在己內。即一之異。不礙在外。知量揣根。仰於已成。激於未證。痛鞭動精。從發於趾。登于玉階。經云。常念彼佛。譬如夢見金寶。親屬娛樂。即有而空。即空而有。生佛兩忘。而不壞相。依託佛意。念念勿有中止。如鑽火者。未熱而止。火勢隨滅。渴人求水。穿鑿原阜。施功不已。漸見濕土。委細營磨。日日不廢。

△三結名

億百萬遍非多非少。是名「事理不二」不可思議功德往生日課。

日課百遍。互融億百。指少爲多。多非多。指多爲少。少非少。少即多。多則不動。少相。如此少相。非情謂少。雖多即少。不壞多相。如此多相。非情謂多。若唯約事。互相障礙。若唯約理。唯是一味。理隨事變。無差別處。差別森然。事得理融。差別時。了無纖異。普法事理。理即事。事即理。理中事。事中理。即中中。冥二際不多。統法界非少。有盡無盡。向上向下。柱舍相即。束箭各現。聲聲響于沙界。顯顯貫於十方。杳杳難窺。冥冥莫覩。一縷制象。不如假多。現至。境於唇頭。圓大事於頃刻。實乃罄諸佛之靈肝。窮玄根之幽致。超言詮之域。出測量之境。奇稱之功。集想之德。海墨巨窮。山筆罔盡。迷其旨者。徒修因於曠劫。入其門者。等諸佛於一朝。迷與不入。非不思擇矣。

○後因勸誡

一念懈怠。寶池蓮萎。億百萬遍功德損減。一念精進。寶池蓮開。億百萬遍功德成就。

文相易解

No. 2681

器朴論并序

黃臺山前住託何述

爽以一代之教門者。吾宗之興基也。夫高山頓說就日之德化。遠隔斷灰之煙。平等大會望雲之恩光。未覃敗種之霜。薄先鶴林之春八年。闡提逆惡之風星和暖日。辭鷺峯之月一時。五重業障之雲光晴幽宮。亮超岸之風航。奔驛之鞭駿也。西土比丘黃老子爲之出世。中天古峯玄著山宅之常住。常住即真如蓮華。帶道芽於肉團。蓮華即名號實相。原心水之淤泥矣。斯心濟太虛融十界而千如也。之斯水湛性海。混百非而一心也。固道捷徑獨步教禪之月頭。固芽布護車。羣顯密之林巔。諸佛單班掌。法王之覺藥離離衆生並絞跌。本家之悟臺郁郁。誰家乘車爲底下而拔濟尙垂。何處書密揭。末世而細株未卷。都尋教教廣波波兮。狂醉之徒詎人窮觀。訊禪禪微悠悠兮。長眠之子何時驚覺。然不闕迂轍之艱難。靡識端臬所。正肆約一代於卷。脅溢十有餘篇。厥聖淨難易鴻門者。論教位身土而驗他力之扶翼矣。本懷非懷鳳樞者。爭方便真實而感出世之于鳩焉。二尊二教章者。聿抑揚之指矣。諸佛正覺條者。本久遠之說焉。諸教出離要者。蒙被接之機兮。大小權實牒者。警教禪之猥也。二種三昧詮者。會定散之別矣。成佛往

生簡者。譽生身之忍兮。發菩提心綱者。讚名號之德兮。有相無相維者。思事理之融也。諸經通讚細者。題歸命之心矣。念佛多福秩者。舉三世之利矣。末法弘通流者。徹持尊之益矣。臨終要心粹者。因知識之緣焉。祖祖念佛錄者。鑒三國之證兮。總言之者不爲簡擇而集。不爲確論而錄。釋曰。時機相感聞即悟植。昔爲此物兮。書於戲舌相昌空。須凝信心於紫臺雲迎。眉間顯瑞莫疑。余身在白毫光接。詎嫌必往。將往輒是。尚謹不贅。信胥登庸者乎。

器朴論卷上

第一。聖道難易門

問云。淨土宗者。宗謂獨尊。其判教意如何。答云。當宗以聖道難行爲化前。以淨土易往爲正宗。聖道門者。大小權實諸教也。皆從凡至聖之門故名。聖道暫約四教言之。藏教者小乘有二。聲聞者經七賢七聖之次位。斷八十八使之見惑。盡九九之修惑證四。四向果。緣覺者凝十二因緣之觀。證四生百劫之時。終證灰斷共入無餘。通教者於十地之中見地斷見惑。辨地斷思惑。菩薩盡習氣。於三品被接有二入通義。佛地盡餘殘習氣住方便土。別教者於五十二位第十信伏見思之惑。發心住初住斷見惑不退住七住斷思惑。灌頂住十住除習氣。斷上品

塵沙。十迴向位斷下品塵沙。十地斷無明。圓教者談六即。於分身即經四十一位。究竟於妙覺之位。雖有八宗無出四教皆在斷惑證理之域。共期此土入聖之分。故言聖道門。起信論云。或示超地速成正覺。以為怯弱眾生故。或說於無量阿僧祇劫當成佛道。以為懈慢眾生故。能示如是無數方便不可思議。而實菩薩種性根等。發心則等。所證亦等。無有超過之法。以一切菩薩皆迴三阿僧祇劫故。○凡佛法有教門實義二。教門雖談不斷。實義悉斷也。故言難行道。淨土門者。彌陀如來本願所成淨土。念佛眾生往生極樂要門也。宗家云。門門不同八萬四。為滅無明果業因。利劍即是彌陀號。一聲稱念罪皆除。○聖道難行曾無證故。今開淨土易往門。是為立宗大綱。起信論云。雖有正因熏習之力。若不遇諸佛菩薩能自斷煩惱。入涅槃者則無有是處。○正因者佛性也。熏習者定慧也。縱有三學之分。難叶一實之道。故大智律師云。釋迦世尊無緣大慈深悲。堪忍未得度者。大啓淨土法門。曲示念佛三昧。○問曰。其淨土者四土中何攝乎。教主者三身中何佛乎。若言報土者有聲聞人天。若言方便土者非通佛所居。況寂光土非指方立相之域。故天台判極樂同居土之攝也矣。佛身亦為何。自受用身者唯佛與佛之境界也。他受用身者十地菩薩感見也。欲謂之應化。身量華座異而言一座無移。然而又巍巍獨坐度。眾生身土

竝難測如何。答曰。大乘同性經曰。淨土中成佛者悉是報身。穢土中成佛者悉是化身。又曰。阿彌陀如來蓮華開敷如來龍主如來等諸如來。清淨佛刹現得道。○文證分明也。禮讚文云。南無受用智慧身。彌陀如來。○但至凡夫感見難者。不先言乎別顯所成之身土也。唯識論曰。大威德定力佛本願力唯識所不判。○通途性相非所可判。又至三乘同居之難。法華經曰。華光如來亦以三乘教化眾生。彼佛國土雖非惡世。以本願故說三乘法。○然彼國聲聞人天因順餘方之名也。既曰二乘種不生。實不可有二乘根性。天台暫約四土建立釋乎。宗家云。報法高妙小聖難階。垢障凡夫云何得入。若論眾生垢障實難欣趣。正由託佛願以作強緣。致使五乘齊入。問曰。若爾何觀音授記經。言彌陀入滅觀音紹化乎。答曰。隱沒休息者諸行生因之機所見也。授記經曰。唯有一向專念阿彌陀佛往生者。常見彌陀現在不滅。○於微窮後際放身光佛體。有幾見不同不可遮之。玄八云。像法決疑經曰。今日座中無央數眾各見不同。或見如來入滅。或見如來住世無量劫。○籤五云。如華嚴云。或有見佛種種說法。或見在於都率天上乃至皆言或者。一一相中皆八相故。○是感見不同也。覺云。極樂為第一義諦妙境界。相佛號真實智慧無為法身。○此言無為法身者。是言法性生身佛乎。法華論釋常在靈鷲山之常字云。第一義諦所證

故。○妙樂釋曰。第一義諦謂所證者。即是自受用故。以常字釋成自受用身也。故宗家所釋云。常住世。云湛然常。云法爾常。是以當流相傳一義。以彌陀為自受用身。既云受用智慧身。阿彌陀如來。自他二身者。悲智之二也。以智慧身自受用身義應知。別因正覺佛為自受用身。濟度眾生有何妨乎。問云。未審隱沒休息。機息應轉以可相準。何以念佛生因機見不滅為報身乎。弘決九云。若入涅槃二土相者。方便土中通佛涅槃。不可亦同界內通佛灰身入滅唯留舍利等。彼法性佛機息轉應名之為滅。若於彼土別機起時。即見無量相好之身。圓機即見虛空之身不滅。方便既爾。實報準知。淨名疏一曰。問經云。諸天同寶器。食隨其福德。飯色有異。此為二質異見如何。答。應作四句。乃至異質一見如娑婆極樂垢淨質異。別圓菩薩用天眼見。但一有餘。○以兩文意可言。方便有餘土云何。淨影觀經疏云。真身常寂無迎攝相。○已有來迎願。何可謂真身乎。答曰。弘決文者方便既爾。實報準知。還而可為潤色。淨名疏者別圓菩薩感見又可異。念佛生因之機見。來迎事別願酬。因報身雖巍巍不動。稱名行者心眼開而直見真身也。彌陀正依經曰。彌陀非三身。別因正覺故。三僧祇萬德代。眾生苦行。○代。眾生苦行者因行也。三僧祇萬德者果德也。兆載永劫之苦行。恒沙塵數之法門。攝六字之中。故言之大願業力。願能圓滿功行。行

能成就名號以彌陀功爲衆生力者。功即力。彼持業釋也。宗家云。一切善惡凡夫得生者。莫不皆乘阿彌陀佛大願業力爲增上緣。○信外之凡夫乍到補處之位者。名號一念中超越五十二位。不思議之願力也。彼鸞師云。不斷煩惱得涅槃分焉。可思議。○誠非乘他力超世之本願。爭見思未斷凡夫得生無爲報土乎。如彼聖道門斷難斷之煩惱。顯難顯之眞性。縱雖上根。猶可送劫數增進地位。況末世愚鈍之下根。何期此土入聖得果乎。大智度論云。新發意菩薩機解軟弱。雖言發心多願。生淨土。何意然者。譬如嬰兒若不近父母恩養。或墮坑落井。火蛇。火等難。或乏乳而死。要假父母養育可長。大菩薩亦爾。願生淨土。親近諸佛。增上法身。○又云。譬如鳥子翅翮未成。不可令高翔。先須依林傳樹羽成。菩薩亦爾。先須乘願求生佛前。○又云。譬如四十里水。如有人以一升熱湯投之。當時似如少減。若經夜至明。乃高於餘者。凡夫在此發心救苦亦復如是。以貪瞋境界違順多故。自起煩惱。返墮惡道故也。誠大聖大權垂示。何夫依違須知。機知時歸淨土。易往門矣。難易二道者。西天十四代師祖龍樹尊者。毘婆沙論曰。佛法如世間道。有難有易。難行道者。五濁惡世求阿鞞跋致甚難可得。如跛人步行一日。不過數里。極大辛苦。依自力也。易行道者。念佛求生淨土。如水路行船。須臾千里。依他力也。自力他力者。念

佛鏡云。自力修行者。準佛經教。從初發心。經一大阿僧祇劫。初到初地。又經一大僧祇劫。修道乃至八地菩薩。皆是自力。他力者。準念佛法門。阿彌陀經疾則一日。遲則七日。念阿彌陀佛往生淨土。即是八地菩薩。何以故。爲乘阿彌陀佛大願力故。阿彌陀經中。衆生行者皆是阿鞞跋致。既是阿鞞跋致。即是八地菩薩。喻自力者。猶如小兒年始三歲。宅去京地向。經千里。遂遣小兒自行向京以求官職。無由得到。何以故。爲幼少故。餘門修道亦復如是。是要須多劫修道乃成。猶如小兒自力向京。不可得到。由自力故。言他力者。小兒雖少。乘父母及象馬車乘力故。不久到京。遂得官職。何以故。由他力故。念佛修道。臨終時乘阿彌陀佛願力。如一念頃往西方。得不退地。是乘即究竟一乘之妙道。五乘齊入之眞門也耳。

頌曰

一乘西教急要徑 不費步功脚下成
趨起超過生死海 便行走入涅槃城

第二。本境非懷門

問云。諸佛出世本懷。爲在念佛如何。答云。諸佛出世。爲對治六識心王戰也。故無量壽經者。說擊大法鼓。○有大功勳者。與醫中明珠。然釋尊雄猛已歸涅槃。財殘諸教兵法。如彼三略者。教軍中法。聚香餌下之魚。六韜者。示戰場謀。翔雲山上之鳥。喻之諸教斷道。或不動干戈而直謁無明王。自以

力量欲得本分田地。喻之教外宗門。皆是突兵計略。未得利劍。薄有六城門。前五識心所門力微易破。第六識心王門極固。第七識內居也。第八識庫倉也。第九識根本也。前五外守而力羸劣。後三內助無功用。唯第六識獨好。勤捷挫諸佛子。若不截斷此之心王。無得本分田地。田地者是佛性之名。涅槃經二十五云。諸佛世尊眼見佛性。十住菩薩聞見佛性。○三賢猶以不能眼見。況信外輕毛去田地百萬里。爭見性成佛。此時彌陀願王名號之中有利劍。喚名者則六識心王乍被伏斷。此一段事諸佛如來更所不能。所以者何。斷前五識見思。內妄執。得成所作智。北方不空成就佛釋迦如來是也。第六心斷者。斷見思。妄執惑。離三界域也。斷第六識相應見思之兩惑。得妙觀察智。西方無量壽佛是也。斷第七識相應見思之細妄執。得平等性智。南方寶生佛是也。斷第八識相應見思微細妄執。得大圓鏡智。東方阿閼佛是也。第九識者。斷見思極細妄執。得法界體性智。中央大日如來是也。第十識總得五智也。非對治六識心王。衆生出牢獄無由。故爲之而諸佛出世。若依諸佛者。雖可治前五後三。爲第六識不得勝。故諸教兵法唯徒儲兮。然吾願王獨治六識。戮無明。是故釋尊出世本懷在說此名號。問。出世本懷者。文在法華。今經本懷之言云何。答。法華經言。唯以一大事因緣故出現於世。○稱讚淨土經言。我觀如是利益安樂大

事因緣。○言意全同。今經稱讚淨土經同本異譯。何言不言乎。凡論出世本懷有二意。一約教權實。二約機利鈍。諸佛大悲於苦者。故大悲本懷偏濟常沒。此一道理誰人爭之。然以一乘度最下機。既在此經。二意並備。故稱本懷。諸教但明應佛素懷。此宗決了二尊本心。報佛彌陀。遂本地願。在度底下。誰亦爭之。底下出離在此經。故即是報佛暢本懷也。化從報垂。化豈乖報。故序分義云。顯通悲化。○所以化以顯報佛悲願。為本心也。又小經示諸佛證誠者。正顯諸佛道同之本懷也。問曰。天台云。三乘根性感。佛出世。餘不能感。今家何言常沒衆生感出世耶。答。聖道所談三乘之外。不許出離。故云。餘不能感。今宗所明無善之機乘。願往生。入佛境界。故以常沒為出世機。隨義別也。謂若無佛性。佛不出世。衆生無可發義故。若無垢障者。不出世。以無可度之苦故。疾前無藥。機先無教。亦無所爭。問云。法華念佛同為本懷乎。答云。諸佛利生通淨穢二土。於淨土為菩薩說。一乘。可謂之諸佛本懷。出現娑婆為苦衆生說。一乘。可謂之出世本懷。故言捨彼莊嚴無勝土。八相示現出閻浮。○若為聖人不可出世。若為凡夫。無說餘教。捨淨土出閻浮。應知為淨土門。是道理至極。故以念佛一乘。可為出世本懷。是又誰爭。但念佛法華同一乘。故共可為本懷。宗家曰。言無量壽者。是法。覺者是人。人法並彰。故名阿彌陀佛。○法是妙法。人是蓮華。言是人中芬陀利華。應知就經題有五重玄義。名體宗用。教六字名號中應收。五重玄義。所謂名者阿彌陀。體者佛。宗者命。用者歸。教者歸命。合而為教矣。名體彰分。宗者命者當宗所證無量壽也。一切衆生所宗之命根歸之。彼佛體。共得無量壽。無量壽者是本門久遠之說。故名為宗。用者歸者。因行果德內證名號。成光明無量外用。此光所照皆歸。無量壽覺體。故為用。教者歸命者。淨土教門。二尊教意在歸命。歸者十方衆生能歸。八萬聖教所歸。命者本門久遠之壽。涅槃常住壽命也。能所同體。生佛一如言歸命。故五重玄義者六字名號也。然者法華三昧即是彌陀三昧。妙法蓮華者是彌陀三摩地法門也。飛錫禪師寶王論云。念佛法華同名佛慧。○顯密二教差異者一往也。理實無相違。爾觀經顯法華沖花法華述蓮華三昧。法華論記曰。阿字不生微妙體。即是衆生內心法。本來清淨妙蓮華。故題妙法蓮華經。○問曰。雖有道理。無文證者是非佛教。念佛出世本懷有文釋乎。答曰。三世諸佛出世本懷。為說阿彌陀佛名號。故如來本意。為說非他意。念佛往生門。出現於五濁。經意六方恒沙諸佛異口同音讚釋迦不可思議功德言。釋迦牟尼佛出世成道本懷者。為說念佛往生法門。文曰。釋迦牟尼佛能為甚難希有之事。能於娑婆國土五濁惡世行此難事。得阿耨多羅三藐三菩提。為一切世間說此難信之法。此為甚難。

○以救淨飯王為釋尊本意。觀佛三昧經曰。佛令勸父王行念佛三昧。父王曰。佛地果德真如實相第一義空。何因不遣弟子行之。佛告王。諸佛果德有無量深妙境界神通解脫。非是凡夫所行境界。故勸父王行念佛三昧。今經非是凡夫心力所及。與非造罪凡夫出世正機也。天親論云。求十方佛中以出離正覺為本懷。今此佛本願不歷僧祇行。不運一形理。一念消億劫顛倒想。不捨凡身成佛身。然頓教中頓也。彌陀世尊本願釋尊出世之本懷也。諸佛解此本願為三菩提。菩薩悟此願意為六度。諸佛實智已證衆生良藥本源。但此本願源底也。問曰。所出文證彰釋尊本意。未知諸佛本意在彌陀如何。答云。三世諸佛本懷也。觀佛三昧經云。三世諸佛皆說如是念佛三昧。○平等覺經曰。十方三世佛一切諸菩薩八萬諸聖教皆是阿彌陀。○加之已言。三世諸佛何重拒難。大論云。摩訶衍人說。三世諸佛從初發乃至苦盡。於其中間所作功德佛事皆是念佛三昧所攝。法華經說一稱南無佛皆已成佛道。○降三世諸佛皆說之。○謂是則念佛一乘之極致也。念佛三昧經云。此念佛三昧即是一切善根之母。如是說者名為正說。○非是者為非懷明焉。

頌曰

煩惱菩提戰未休 涅槃生死靜央不
願王利劍揮光處 古敵無明被剋頭

第三、二尊二教門

問云。宗家曰。今乘二尊教廣開淨土門。○彌陀發願釋尊弘教。凡一代經教或說諸佛淨土。或明衆聖濟度。未言二尊二教。當宗立此名目。是依說彌陀事名彌陀教者有財釋也。以能顯所顯義言二尊教者依主釋也。以何義立此名乎。如何。答云。雖兩義共有其理。不謝諸經通名之難。今者不然。廣互一代約顯三部。廣者一代化前義也。可委後章約三部者有顯益密益義。有隨自隨他別。有抑止攝取意。有要門弘顯教。故立二教別。此義亦可通。一代。宗家曰。娑婆化主爲物故住想西方安樂慈尊知情故則影臨東域。斯乃二尊許應無異。直以隱顯有殊。正由器朴之類萬差。致使互爲郛匠。○至如彼毘舍離國顯現如來今經第七觀所現三尊。各施顯密益。於是時中當機感彌陀直說。餘者聞釋尊開示。黑谷云。當知隨他之前暫雖開定散之門。隨自之後還閉定散門。一開以後永不開者唯是念佛一門。○彌陀本願釋尊付屬意在斯。四悉檀中爲人悉檀。四意趣中衆生巧欲意趣。今隨他意說其義應相似。應章提請說故爲隨他意。此定散能證也。念佛一門者所詮也。故言若念佛者是人中芬陀利華。芬陀利華者蓮華也。爲名號故說定散門可言爲蓮故華。開隨他而示隨自者華敷蓮現也。廢諸行而立生因者華落蓮成也。是譬喻蓮華也。言上上人言上上華者當體蓮華也。念佛

法華雖眼目異名。法華爲名譬喻顯法。今經爲名法體顯譬。法譬全同故謂同名佛慧可悉下章。抑止攝取者。大經曰。設我得佛十方衆生至心信樂欲生我國乃至十念若不生者不取正覺。唯除五逆誹謗正法。○十方衆生者指一切善惡凡夫。一衆生而不可漏。本願謂決定時。自衆生往生成彌陀正覺畢。然彼經說時者五逆誹謗法未造前也。故爲禁戒言唯除等。今經闍王提婆惡逆者真宗由致也。自非此因緣爭顯佛本意。本意者在拯極重惡人。故未造前者抑止而言唯除。欲彰加於可加大道理。佛力不勝業力。法令至極也是釋尊祕妙方便門也。至已犯後者攝取而言皆往。遂使所顯一代設化之權實門在成此一大事。是彌陀覺王不思議願力所致也。要門弘顯者。宗家云。上來雖說定散兩門之益。望佛本願。意在衆生一向專稱彌陀佛名。○定散要門者釋迦教也。別意弘顯者彌陀教也。要門者開定散兩門。悟入名號一理爲要。是開會意也。問云。開會者開爾前權門歸平等大會共悟。入一佛乘。更無有隔歷。故宗家云。以佛願力五逆之與十惡罪滅得生。謗法闍提迴心皆往。○然於彼土有九品邊地差別。有見佛聞法遲速者。九品各以己行而生故。依因別而爲果異乎。如何。答云。有九品邊地異者。釋迦教抑止門說也。宗家云。人天善惡皆得往生。到彼無殊齊同不退。又云。九品俱會得不退。阿鞞跋致即無生。○九品

者釋迦教。俱會者彌陀教也。五會讚云。十惡五逆至惡人永劫沈淪在垢塵。一念稱得彌陀號。至彼還同法性身。○言法性身者法性生身。註論云。平等法身者。八地已上法性生身菩薩也。寂滅平等者。即此法身菩薩所證寂滅平等之法也。以得此寂滅平等法故名爲平等法身。以平等法身菩薩所得故名爲寂滅平等法也。此菩薩得報生三昧。以三昧神力能一處一念一時遍十方世界。種種供養一切諸佛及諸佛大會衆海。能於無量世界無佛法僧處。種種示現種種教化。度脫一切衆生常作佛事。初無往來想供養想度脫想。是故此身名爲平等法身。此法名爲寂滅平等法也。未證淨心菩薩者。初地已上七地已還諸菩薩也。此菩薩亦能現身。若百若干。若萬若億。若百千萬億無佛國土施作佛事。要須作心入三昧乃能非不作心。以作心故名爲未得淨心。此菩薩願生安樂淨土。即見阿彌陀佛。見阿彌陀佛時。與上地諸菩薩畢竟身等法。龍樹菩薩婆數槃頭菩薩輩願生彼者當爲此耳。問曰。案十地經。菩薩進趣階級漸有無量功勳。運多劫數然後乃得此。云何見阿彌陀佛時畢竟與上地諸菩薩身等法耶。答曰。畢竟者未言即等也。畢竟不失此等故言等耳。問曰。若不即等復何待言。菩薩但登初地。以漸增進自然當與佛等。何假言與上地菩薩等。答曰。菩薩於七地中得大寂滅。上不見諸佛可求。下不見衆生可度。欲

捨佛道證於實際。爾時若不。得十方諸佛神力加勸。即便滅度與二乘無異。菩薩若往。生安樂見阿彌陀佛。即無此難。是故須言畢竟平等。問云。如今文者他方菩薩往生得益相也。十方衆生往彼國。皆到阿鞞跋致者。是亦畢竟義而非即等。故同論註云。譬如樹名曰好堅。是樹地生百圍乃具。一日長高百丈。日日如此計。百歲之高豈類脩松耶。見松生長日不過寸。聞彼好堅何能不疑。○是文意淨土穢土昇道雖遲速不同。共經劫可到阿鞞跋致見焉。如何答云。言於彼土進道歷劫者。皆釋迦教意也。宗家會云。微塵故業隨智滅。不覺轉入真如門。大劫小劫恒沙劫亦如彈指須臾間。○又云。十劫須臾不覺盡。進入明門歡喜地。○須臾者生死截斷一念乎。以佛延促劫智力衆生一念間超昇。是又他力最極也。般舟讚云。低頭禮佛。在此國舉頭已入彌陀界。到彼華開尋見佛。聞說四諦證真如。定善一門章提請。散善一行釋迦開。定散俱迴入寶國。即是如來異方便。○章提請者顯隨他意。釋迦開者釋迦教意也。定散俱迴者顯隨意。即是如來者彌陀教意也。異方便者顯非權方便也。二尊二教大意在此文。宗家又云。十方凡聖專心向。分身遣化往相迎。一念乘空入佛會。身色壽命盡皆平。○盡皆平者無地位階級歸平等大會言入佛會。一念乘空者有二意。名號一念內乘聲往生。聲即空故言乘空。又乘佛力故生死截

斷。一念中超昇無邊劫數。延促智是空智故言一念乘空。入須彌於芥子。收大海於毛端。不思議解脫法門也。苟非二尊之郢匠。爭得生莊嚴實相之淨土。又非二教之級引。何感見法性如來之境界。般舟讚云。彌陀告言諸佛子。極樂何如彼三界。新往化生俱欲報。合掌悲咽不能言。得免娑婆長劫苦。今日見佛釋迦恩

頌曰

郢人匠石意相通

創聖無痕非至工

好惡想情由器朴

二尊垂手亦斯同

莊子云。郢人塗壁神也。郢處名。匠石削木妙也。互得名。郢誤鼻端點聖。匠斧削成風

○想情者。首楞嚴經云。依想情心感善惡生有十。其七情三想墮。餓鬼。乃至九情一

想落有間無間地獄。○器朴者。器已能用朴未造爲。故宗家言。娑婆化主住想。安樂

慈尊知情者。一尊教意於善惡二機互有。傍正在欲彰此義。又通一代而已。問云。

立二尊教有其例乎。答曰。藥師經請邁疏曰。此經二尊教也

頌曰

西土釋迦黃老子

時時所說經經旨

皆開念佛一乘門

同至菩提要路矣

第四。諸佛正覺門

問曰。諸佛因位未離我執時。各別發願故。各修淨土。各化衆生。以何故言佛佛皆乘。

念佛三昧成正覺乎。答曰。諸佛皆達彌陀成正覺者。西方極樂菩提門方。阿彌陀

者妙觀察智說法利生也。故諸佛皆歸經說非一。般舟經云。佛告跋陀和菩薩。過去諸佛乃至現在未來諸佛。持是念佛三昧。皆得作佛。○觀佛三昧經云。過去未來現在三世諸佛皆說如是念佛三昧。我與十方諸佛及賢劫千佛。從初發心皆因念佛三昧力故得一切種智。○楞伽經云。十方諸刹土衆生菩薩中所有法報佛化身及變化。皆從無量壽極樂界中出。○月燈三昧經曰。十方三世一切過去未來及現在佛。皆學念佛速證無上菩提。○問曰。彌陀者是十劫正覺佛也。十劫已前佛於誰成覺。又報佛智從因成故無常也。故授記經言。阿彌陀佛壽命無量百千億劫當有終極觀世音菩薩成覺。未來諸佛依普光功德山如來成覺乎。如何。答

云。授記經如上章言。既言得念佛三昧常見阿彌陀佛。於依念佛三昧成覺爭求他佛乎。言報佛智無常者權教所談也。報佛所覺法者真如實相常住之理也。謂之無量壽。宗家曰。報身常住永無生滅。以如如智契如如境。境即常住智無生滅。函蓋相應理智不二故也。況今別願酬因報身者。衆生往生即正覺體也。故以衆生爲所覺法。第八

觀曰。諸佛如來是法界身。○疏云。法界者是所化之境即衆生界。○以衆生界無盡故佛壽亦無量度。十方衆生故法界身也。般舟讚云。十方衆生未曾滅。彌陀佛國亦不增。○依自覺智成衆生所歸之體。故以覺他之智名無量壽佛。佛壽無量者諸佛正覺何求。